

quod uni extremorū non convenit; ut ebrietas non convenit vino, calidum esse convenit corpori, nō accidenti, & cruciari non convenit nisi animali. Est igitur fallacia comparationis, & quidem ex non minori tanquam minori, quā violatur canon: *Cui nō convenit absolutum, ei etiam nō convenit gradus comparativus vel superlativus.* Vulgo dicunt fallaciā à positivo ad cōparativum. 3. *Cūm pro maiore habetur, quod majus non est:* ut, cūm sacramenta verbo Dei præferuntur, & virtus intellectualis morali. Sic Pharisæi pluris faciebant aurum templi, quā ipsum templum, & munus super altare, quā ipsum altare; *Matth. 23. v. 16.* 4. *Cūm pro minore habetur, quod minus non est:* ut cūm fides dicitur minor charitate, & Imperator comparatur Lunæ, Papa Soli.

III. Similium:

Fallacia sim-
milium.

1. *Cūm similitudo manifestè claudicat:* seu cūm pro similibus habentur, quæ planè dissimilia sunt: ut, Qui aurem alicujus tetigit, totum videtur eum tetigisse. E. qui dolium vini aperuit, & parū vini inde abstulit, totum abstulisse dicetur. Ita Papa falsò se comparat Soli, Imperatorē Lunæ. Pontificii S. Scripturā blasphemè comparant cæreo naso, regulæ plumbeæ, fabulis Æsopi, cothurno &c. 2. *Cūm tanquam similia ponuntur, quæ sunt eadē, paria, vel imparia:* ut, si Pater & Filius in divinis dicantur ὁμοῖσσι, non autem ὁμοούσι. Sic, si quis dicat hoc esse argumentum à simili: Bestiæ suos partus diligunt. E. & parentes diligere debent suos natos. Est enim argumentum à minori. 3. *Cūm similitudo colorata, h. e. parum efficax, quæq; plus dissimilitudinis habet, ponitur pro plenâ:* h. e. cūm similitudo est obscurior, quā ut possit esse illustrando. Tales sunt illæ quorundā Scholasticorum: Quemadmodū equus est utilis ad itinerandum: ita Logica est utilis ad disputandum: Quemadmodum ignis se non comburit, sed alia: ita sine Logicâ sciens ignorat se scire: Quemadmodum ignis comburens suæ combustionis ignorat causam: sic credentes aliquid scire sine Logicâ, causam sui sciti ignorant: Quemadmodum cygnus suum æmulum habet aquilam, murem elephas: sic Dialectica habet suos æmulos. Referri huc possunt septem congruentiæ Durandi, quibus probare vult septem esse sacramenta: Septem sunt planeta, septem artes liberales &c. Ergò sunt septem Sacramenta.